

處順堂中秋作

處順中秋靜雲朋和氣添
魔精潛海角明月出山尖
萬國同歡賞千門共喜瞻
相看終夕坐都覺性安恬

礬山先天觀作

先天終有意雲水已無心
隱跡唯求遠埋名憾未深
秋陽辭益友春暖訪知音
爲慕西山靜免教人事侵

又

守道忘塵累安居慕德鄰
坐中無俗客席上盡高人
養氣若龜息鍊形如石皴
爲求眞實相認取本來身

縉山秋陽觀乙酉正月上元木凌降

道藏輯要

葆光集

三

胃集十

垂柳千條白華燈萬盞紅
上天呈異瑞厚地顯神功
碧樹開瓊藥青山變老翁
滿巖諸草木盡化玉玲瓏

自乙酉六月至丙戌四月八日尙無雨時在山後龍陽觀
因有是詩

秋無三寸雨春有十分風
冬雪又太薄夏苗焉得豐
何曾求已過都只罪神功
我已西關去猶嗟歲計窮

與隴西翁相別二十年識時未及心
交今會話間乃知其心同往西山
故錄之耳

昔時曾見面今日又論心
共約西山去同登北嶺吟
迢遙出京市放曠入山林
萬疊峯巒遠前程步步深